

## Universal Declaration of Human Rights - Akan (Akuapem)

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

---

### AMANSAN MPAEMUKA A ƐFA ONIPA BIARA KYEFA HO

#### NHYENMU

Esiane sɛ nidi ne biakoyɛ ne hokwan a adesamma abusua no wɔ no ne ahofadi, atentrenɛɛ ne asomdwoe a ewɔ wiase no nhyɛase,

Esiane sɛ obu a wommu ne animtiaa a wɔde bu onipa biara Kyefa no akowie atirimɔdenne ahorow mu no apusuw wiase no ahonim, ne ɔhwɛ a yɛhwɛ kwan sɛ wiase bi reba a adesamma benya ahofadi wɔ ɔkasa ne gyidi ho, na wɔabɔ dawuru sɛ osuro ne ohia jo ahofadi ne ɔmanfo botae,

Esiane sɛ nea ɛbɛyɛ na ɔmanfo remfa atuategu kwan so sɛ nea etwa to de atu atirimɔden ne nhyɛso agu, nti, ɛsɛ sɛ yede mmara sodi bɔ onipa biara kyefa ho ban,

Esiane sɛ ɛho hia sɛ yɛbɛma ayɔnkofa abɛda aman horow ntam,

Esiane sɛ nnipa a wɔwɔ Amanaman Nkabom no Mmara no mu no agye sɛ wogyɛ onipa biara kyefa tom, na wogyɛ tom sɛ onipa desani biara nya ne kyefa, nidi ne ɔsom a wɔsom bo; afei wogyɛ mmarima ne mmea Kyefa tom, na wɔbɔ mmɔden sɛ wɔbɛma ɔmanfo atu mpɔn wɔ asetena pa mu wɔ ahofadi bebreɛ mu,

Esiane sɛ Kuw Mma ahyɛ bɔ sɛ wɔnɛ Amanaman Nkabom mo bɛyɛ biako de ama aman nyinaa anya obu ama onipa biara kyefa ne ahofadi ahorow no

Esiane sɛ Kyefa ne ahofadi ahorow ho hia sen biara na ama bɔhyɛ yi aba mu koraa nti,

Ɛnde, Afei,

Kuw Kɛsɛ No

Pae mu ka

Amansan Mpaemuka a ɛfa Onipa Biara Kyefa ho no

Sɛ mmɔdenbɔ gyinapɛn ma nkurɔfɔ ne aman nyinaa, a yɛn botae ne sɛ nnipa nkɔrɛnkɔrɛ ne aman nyinaa bekaɛ saa Mpaemuka yi bere nyinaa, na wɔnam ɔkyɛrɛkyɛrɛ ne nhomasua so akyɛrɛ obu ama saa kyefa ne ahofadi ahorow yi, na wɔde nkakrankakra ama nnipa a wɔwɔ wɔn a wɔwɔ amannɔnɛ ate ase, agye atom, adi so pɛpɛpɛ wɔ nnipa a wɔwɔ Kuw Mma no ankasa man mu, ne ɔmanfo a wɔtɛtɛ wɔn nsasesin mu.

#### Ahyɛde 1

Wɔawo adesamma nyinaa sɛ nnipa a wɔwɔ ahofadi. Wɔn nyinaa wɔ nidi ne kyefa koro. Wɔwɔ adwene ne ahonim, na ɛsɛ sɛ wobu wɔn ho wɔn ho sɛ anuanom.

#### Ahyɛde 2

Ɛsɛ sɛ obiara nya kyefa ne ahofadi ahorow a wɔaka ho aɛm wɔ Mpaemuka yi mu no a nnipa animhwɛ anaa nyiyim nni mu, te sɛ ebia abusua a ofi mu, ahosu, sɛ ɔyɛ ɔbɛa anaa ɔbarima, sɛ ɔka kasa bi anaa ɔwɔ kuw bi mu, sɛ ɔwɔ ahode, sɛ wɔwoo no ɔkwan bi so no mfa ho koraa.

**Bio, wɔrenye nyiyim biara esiane obi amanyɔ anaa ɔman anaa asase a obi fi so no nti. Emfa ho hwee se ɔman no de ne ho anaase ebata ɔman foforo bi ho, anaa nso enni n; ankasa ho so, anaase ɔman foforo bi na edi wɔn so.**

### **Ahyede 3**

**Obiara wɔ nkwa, ahofadi ne ne nipaban ho ahobanbɔ.**

### **Ahyede 4**

**Wɔremfa obiara nkɔ nkoasom anaa nkoaye mu. Wɔabara nkoasom ne nkoatɔ ne nea etete saa nyinaa.**

### **Ahyede 5**

**Ense se wɔde aninyanne, atirimɔden, ne nea emfata se wɔde ye nnipa anaa ayayade biara twe obiara aso.**

### **Ahyede 6**

**Mmara mu no, onipa biara wɔ ho kwan se wogyɛ no tom se onipa.**

### **Ahyede 7**

**Nnipa nyinaa ye pe wɔ mmara anim, na ese se wɔnam mmara so bɔ obiara ho ban a nyiyim biara nni mu. Obiara wɔ banbɔ koro no ara a esiw nyiyim a esee Mpaemuka kwan no kyɛfa no bi.**

### **Ahyede 8**

**Obiara wɔ nea ne man asennii mmara ahyehye ato ho a wɔye de pata nea obi afom no no hokwan anaa kyɛfa.**

### **Ahyede 9**

**Wɔrenkyere obi, mfa no nto afiase anaa wɔrempam no mfi ne man mu ɔkwa are kwa.**

### **Ahyede 10**

**Obiara wɔ hokwan se asennifo a wonni obiara afa a wɔnye nyiyim di n'asɛm wɔ peteem sɛnea wɔye onipa biara, de kyere ne kyɛfa ne n'asɛde ahorow wɔ mmarato bi a wɔde tia no ho.**

### **Ahyede 11**

**1. Asɛm a obi di na odi mu fɔ ma wɔtwe n'aso no wɔremfa nto onipa biara so gye se wɔnam mmara so adi onii no asɛm wɔ n'akyigyinafo anim abu no fɔ ansa.**

**2. Se obi ye bɔne bi na akyiri yi wohu se anka ese se wɔtwe n'aso, nanso bere a onii yo yee saa bɔne no, na ne man anaa ne man ne aman foforo bi mmɔɔ mu nyee mmara bi a etia bɔne no a, ende ense se wɔtwe ɔdebɔneyɛfo no aso. Saa ara nso na wɔreemfa asotwe a emu ye duru mma bɔne bi nsen nea ewɔ ho bere a wɔyee saa bɔne no.**

### **Ahyede 12**

**Wɔremfa nea mmara nnim biara so nhiahia obiara ho wɔ ne kokoamsem, n'abusua, ne fi ne ne mfefo ntam asɛm bi ho. Saa ara na wɔrentiatia ne nidi ne n'anuoanyam so. Obiara wɔ banbɔde yi kyɛfa a mmara taa akyi.**

### **Ahyede 13**

1. Obiara wɔ kyefa anaa hokwan sɛ okyinkyin anaa ɔtena baabiara wɔ nea ne man ahye ano kɔka.
2. Obiara wɔ ne kyefa anaa hokwan sɛ ofi ɔman biara mu, a n'ankasa de ka ho, na ɔsan kɔ ne man mu bio.

#### Ahyɛde 14

1. Obiara wɔ kyefa anaa hokwan sɛ esiane amanyesɛm ho ɔtaa bi nti ɔkɔ ɔman foforo bi mu kɔpɛ guankɔbea.
2. Saa Kyefa anaa hokwan yi yera bere a guankɔ no nnyina amanyesɛm mu amanenya anaa Amanaman Nkabom gyinae so.

#### Ahyɛde 15

1. Obiara wɔ kyefa anaa hokwan sɛ ɔyɛ ɔmanba wɔ baabiara.
2. Wɔremfa biribi a ennam mmara so nsiw obiara manbayɛ ho kwan. Sɛ obi pɛ sɛ ɔsakra ne manbayɛ fi baabiara nso a, wɔrensiw no kwan.

#### Ahyɛde 16

1. Sɛ mmarima anaa mmea bi du wɔn mpanyin afe so, na wɔn abusua, wɔn man anaa wɔn asɔre mu nhyehyɛ nsiw wɔn mu ni kwan a, ɛnde wɔwɔ kyefa anaa hokwan sɛ wɔware kyekye abusua. Wɔn nyinaa wɔ aware mu kyefa pɛ wɔ wɔn aware ne wɔn awaregu berem.
2. Okunu ne ɔyere nko ara na ɛsɛ sɛ wɔpene so ka wɔn aware bom sɛ awarefo.
3. Okunu ne ɔyere ne mma abusuabɔ no ne kuwye abɔsɛ fekuw biara mu, ɛsɛ sɛ fekuw anaa ɔman no bɔ saa abusuakuw yi ho ban.

#### Ahyɛde 17

1. Obiara wɔ ho kwan sɛ ɔno nko ara pɛ ahonyade anaase ɔne afoforɔ pɛ bi.
2. Wɔremfa nea eenyina mmara so nnye obi ahonyade mfi ne nsam.

#### Ahyɛde 18

Obiara wɔ adwenem nsusuwii, ahonim ne nyamesom biara a ɔpɛ ho kyefa anaa ɛho kwan. Saa kyefa anaa hokwan yi ma obi de ne ho sɛ ɔbesakra ne nyamesom anaa ne gyidi, ɛma obiara de ne ho sɛ ɔhwehwɛ ankorankoro anaa ɔdodow nyamesom, anaa ɔne afoforo bom som wɔ peteem anaa kokoam, nam so yi ne nyamesom anaa gyidi adi wɔ kyerekyerɛ, nneyɛ ne ɔsom mu.

#### Ahyɛde 19

Obiara wɔ ne kyefa anaa hokwan sɛ ɔka n'adwene ne nsusuwii. Saa kyefa yi ma obiara kura ne nsusuwii mu a obiara nnye no asabawmu. Ɔwɔ hokwan sɛ ɔhwehwɛ anaa otie adesuada ne nsusuwii biara, na ɔno nso nam ɔkwan biara so ma afoforo te a aman ahye nsiw eyi ho kwan.

#### Ahyɛde 20

1. Obiara wɔ hokwan sɛ ɔkɔ asomdwoe nhyiam ase anaa ɔdɔm fekuw biara.
2. Ɛnsɛ sɛ wɔhyɛ obiara sɛ ɔnkɔdɔm fekuw bi.

#### Ahyɛde 21

1. Obiara wɔ hokwan sɛ onya kyɛfa wɔ ne man mu Aban mu, sɛ ɛyɛ tee anaa ɛnam ananmusifo so.
2. Obiara wɔ kyɛfa koro wɔ ne man nu ɔsom adwuma ho.
3. Ɔmanfo no pɛ na ɛbɛyɛ Aban no nnyinaso. Wɔnam abatow a wɔnam so paw nnipa a ɛyɛ kokoam ɔdodow adeyɛ a wɔahyehyɛ ne bere ato hɔ so na ɛbedaa ɔpɛ yi adi.

#### Ahyɛde 22

Onipa biara, sɛ ɔyɛ fekuw muni yi, wɔ ne kyɛfa wɔ akyigyina a ɔman no anaa ɔman no ne aman afoforo abom apere anya no ho sɛnea ɔman no nhyehyɛ ne sikasɛm te. Onipa biara wɔ sikasɛm, ɔmanbayɛ ne amammerɛ ho kyɛfa a ɛho hia ma ne nidi ne ne nipasu.

#### Ahyɛde 23

1. Obiara wɔ adwumayɛ ho kyɛfa, ɔde ne ho sɛ ɔpaw adwuma a ɔpɛ sɛ ɔyɛ, ɔwɔ adwumayɛ mu nhyehyɛ pa ne emu banbɔ no ho kyɛfa.
2. Obiara wɔ adwumayɛ ne ɛso akatua a wɔde ma no ho kyɛfa a nyiyim biara nni mu.
3. Obiara a ɔyɛ adwuma no wɔ ne kyɛfa a ɛsɛ sɛ onya wɔ akatua a ɛfata a ɛbɛma ɔne n'abusuafo anya atenayɛ a ɛfata onipa nidi ho. Sɛ ehia nso a, ɛsɛ wɔde fekuwbɔ mu akyigyina ka ho.
4. Ɛyɛ obiara kyɛfa sɛ ɔhyɛ adwumayɛfo fekuw ase anasɛ nso ɔdɔm bi, na ɔnam so bɔ ne yiyedi ho ban.

#### Ahyɛde 24

Obiara wɔ ɔhome ne bɔnnɔdi bere ho kyɛfa. Nnɔnhwerew a wɔahyehyɛ sɛ wɔde yɛ adwuma a ɛmmoro so ne adwuma mu akwamma bere a wotua odwumayeni no ka nso ka ho.

#### Ahyɛde 25

1. Obiara wɔ ne kyɛfa anaa hokwan sɛ ɔne n'abusuafo nya asetena yi mu yiyedi a ɛma ɔne n'abusuafo nya ahɔnden ne asetena pa. Aduan, adurade, afi, ayaresa ne fekuw mu ɔsom adwuma nso ka ho. Saa ara nso na ɛyɛ obiara kyɛfa sɛ onya akyigyina a wɔde ma obi a onni adwuma bi yɛ anaa ɔyare anaa odi kuna anaa wabɔ akora anaa aberewa anaa asetena mu ahyiakwa mma n'ani nwie gye wɔ asetena mu ho.
2. Ɛsɛ sɛ wɔde ɔhwɛ pa hwɛ ɔbaatan ne ɔba biara. Ɛmfa ho hwɛ sɛ mmofra bi yɛ awarefo mma anaa mpenafo mma. Ɛsɛ sɛ wɔn nyinaa nya wɔn kyɛfa wɔ asetena mu banbɔ ho.

#### Ahyɛde 26

1. Obiara wɔ ho kwan sɛ osua ade. Anyɛ yiye koraa no, ɛsɛ sɛ obiara nya sukuuko anaa adesua kwa wɔ ne mmofraase wɔ nneɛma nketenkete bi ho. Ɛsɛ sɛ wɔde ɔhyɛ to ho ma obiara nya mmofraase adesua. Mfiridwuma ho adesua ne dwumadi ahorow no sua anaa sukuupɔn mu adesua ho de, obiara benya ne kyɛfa sɛnea n'adwene ne ne mmɔdenbɔ kyɛrɛ.
2. Ɛsɛ sɛ adesua nyinaa botae yɛ nea ɛhwɛhwɛ nkɔso ma onipadua ne obu mu denhyɛ ma adesamma kyɛfa a ɛfa nnipa ahofadi horow no ho. Eyi bɛma ntease, denyɛ ne ayɔnkofa aba aman, mmusua anaa asɔre horow nyinaa ntam. Ɛbɛhyɛ Amanaman Nkabom no den ama asomdwoe aba wiase.
3. Awofɔ wɔ kyɛfa anaa hokwan a ɛso sɛ wɔbɛpaw nhomasua ko a wɔpɛ ama wɔn mma.

#### Ahyɛde 27

**1. Obiara wɔ ne kyefa anaa hokwan sɛ ɔde ne ho fra kwasafɔ amammerɛ mu. Ɔwɔ ne kyefa anaa hokwan wɔ mfaso a efi nyansasua ne abɔdemuhwehwɛ mu ba no mu.**

**2. Obiara wɔ nnepa a efi abɔdemuhwehwɛ, nhomasua anaa nsaanodwuma adeyɛ bi a ɔde ne nsusuwii ama aba no mu kyefa.**

#### **Ahyɛde 28**

**Obiara wɔ ho kwan sɛ onya fekuw anaa amanaman nhyehyɛe a ekura kyefa ne ahofadi horow a wɔabobɔ din wɔ Mpaemuka yi mu no mu.**

#### **Ahyɛde 29**

**1. Obiara wɔ ne kwasafɔ asɛde a ɛno mu na sɛ ɔyɛ a, ɔnam so ma onyin a ne nipadua nyin no wie pɛyɛ.**

**2. Ansa na obiara benya ne kyefa ne ahofadi no, gye sɛ ɔno nso ayɛ nea mmara hwehwɛ wɔ ne ho sɛ ɔyɛ ma afoforo ma wɔn nso nya wɔn kyefa ne ahofadi. ɛsɛ sɛ onii no bɔ ɔbra pa, na ɔkyerɛ obu ma guasodeyɔ ne ɔdodow amammu mu yiyedi.**

**3. Ɛnsɛ sɛ saa kyefa anaa ho kwan ahorow yi yɛ nea ɛne Amanaman Nkabom no atitimpɔw ne gyinapɛn bɔ abira.**

#### **Ahyɛde 30**

**Ɛnsɛ sɛ onipa biara kyerɛ nsem a ɛwɔ Mpaemuka yi mu no ase sɛ eyɛ ade bi a ɛma Ɔman, fekuw anaa onipa bi kyefa anaa tumi, nam so sɛ kyefa ne ahofadi horow a wɔabobɔ din wɔ nhoma yi mu no.**

---